

Misija Svjetske banke u posjeti Federalnoj upravi za geodetske i imovinsko-pravne poslove

13.11.2014 08:17



Tim Svjetske banke je 12. novembra 2014. godine posjetio Federalnu upravu za geodetske i imovinsko-pravne poslove gdje je zajedno s predstavnicima Uprave i Jedinice za implementaciju projekta Svjetske banke održan sastanak s ciljem provođenja misije za podršku implementaciji Projekta registracije nekretnina (Real Estate Registration Project – RERP).

Na sastanku je razmatran napredak u implementaciji projektnih aktivnosti i u ostvarivanju projektnih ciljeva, s posebnim akcentom na harmonizaciju podataka iz zemljišnih knjiga i katastra i uspostavljanje katastra nekretnina, te na planove za razvoj informacionih i komunikacionih tehnologija te socijalnih aspekata projekta. Također, izraženo je zadovoljstvo dinamikom realizacije svih aktivnosti koje se

provode kroz projekt RERP.

Misija Svjetske banke će u Bosni i Hercegovini boraviti u periodu od 12. do 20. novembra 2014. godine, a u navedenom periodu planirana je posjeta općinama Tešanj i Gračanica, u kojima je u skladu s procedurama otpočeo proces harmonizacije katastarskih i zemljišnoknjižnih podataka. Ovaj će se proces realizirati za sva urbana područja u Federaciji BiH.